



GIG
CYMRU
NHS
WALES

Iechyd Cyhoeddus
Cymru
Public Health
Wales

Cyfeirnod: ICC07

Rhif y Fersiwn: 4

Dyddiad yr adolygiad nesaf: 14

Rhagfyr 2025

POLISI DIOGELWCH TÂN

Datganiad Polisi

Mae Iechyd Cyhoeddus Cymru yn ystyried bod diogelwch tân yn bwysig iawn ac mae'n anelu at sicrhau pob aelod o staff a'r holl randdeiliaid bod ganddo bolisiau a gweithdrefnau priodol ar waith i'w diogelu rhag effeithiau tân.

Datblygwyd y polisi hwn yn unol â gofynion Deddf Iechyd a Diogelwch yn y Gwaith etc 1974 a Gorchymyn Diwygio Rheoleiddio (Diogelwch Tân) 2005 a Pholisi Diogelwch Tân Llywodraeth Cymru ar gyfer Ystâd y GIG yng Nghymru.

Ymrwymiad Polisi

Mae Iechyd Cyhoeddus Cymru yn ymrwymedig i sicrhau iechyd, diogelwch a lles ei staff a'r rhai y mae ei weithgareddau'n effeithio arnynt, ac yn cydnabod y rhwymedigaethau a osodir o dan:

Ddeddf Iechyd a Diogelwch yn y Gwaith etc 1974, a'r *Gorchymyn Diwygio Rheoleiddio (Diogelwch Tân) 2005* a Pholisi Diogelwch Tân Llywodraeth Cymru ar gyfer Ystâd y GIG yng Nghymru (a gyhoeddir o dan Gylchlythyr Iechyd Cymru (2006)74):

- Lleihau nifer yr achosion o dân a/neu larymau tân diangen ledled ystâd Iechyd Cyhoeddus Cymru
- Lleihau effaith tân ar ddiogelwch bywyd, darparu gwasanaeth, yr amgylchedd ac ased(au).

Bydd Iechyd Cyhoeddus Cymru yn llunio ac yn gweithredu, pan fydd yn gyfrifol am wneud hynny, trefniadau sefydliadol priodol o'r fath ar gyfer cynllunio, trefnu, rheoli, monitro ac adolygu ei fesurau ataliol ac amddiffynnol. Bydd yr Ymddiriedolaeth yn gweithredu rhagofalon tân cyffredinol o'r fath er mwyn sicrhau, i'r graddau y bo'n rhesymol ymarferol, diogelwch defnyddwyr ei wasanaethau, ei gyflogeion, ei gontractwyr ac ymwelwyr. Bydd Iechyd Cyhoeddus Cymru yn sicrhau bod:

- Y dulliau o reoli'r risg diogelwch tân yn gyson ag amcanion strategol a chorfforaethol yr Ymddiriedolaeth ac yn cefnogi'r gwaith o'u cyflawni. Gwneir hyn drwy reoli peryglon drwy gynnal archwiliadau rheolaidd ac asesiad/archwiliad o eiddo, darparu a chynnal a chadw diffoddwyr tân a hyfforddi staff.
- Systemau larymau synhwyro tân yn cael eu rheoli er mwyn diddymu/lleihau achosion diangen o larymau'n seinio.
- Cydweithrediad a chydgyssylltiad â phersonau cyfrifol eraill sydd hefyd yn meddiannu'r adeilad a rhoi gwybod iddynt am unrhyw beryglon sylweddol a nodir gan Iechyd Cyhoeddus Cymru a'r mesurau sydd ar waith i leihau/rheoli'r risgiau hynny a allai effeithio ar ddiogelwch ei gyflogeion.

Os bydd achos o dân, mae Iechyd Cyhoeddus Cymru'n anelu at sicrhau bod:

- Y digwyddiad yn cael ei ganfod yn gyflym a'i reoli'n effeithiol ar gamau cynnar, a fydd yn galluogi i:
 - Ddefnyddwyr yr adeilad ac ymatebwyr gael eu hysbysu ac er mwyn i staff, cleientiaid, ymwelwyr a rhanddeiliaid eraill allu gadael yr adeilad yn ddiogel i fan diogel.

Gweithdrefnau a Dogfennau Rheoli Ysgrifenedig Ategol

[Mae'r holl bolisiâu a gweithdrefnau corfforaethol ar gael ar wefan Iechyd Cyhoeddus Cymru](#)

Holl bolisiâu, gweithdrefnau a dogfennau rheoli ysgrifenedig eraill y sefydliad ar gyfer Iechyd a Diogelwch:

- Polisi Iechyd a Diogelwch
- Gweithdrefnau Diogelwch Tân
- Gwiriadau Diogelwch Tân (wythnosol – Chwarterol a Blynnyddol)
- Asesiadau Risg Tân

Cwmpas

Mae'r polisi hwn ac unrhyw drefniadau a wneir mewn cysylltiad ag ef yn berthnasol i:

- Bob person y mae Iechyd Cyhoeddus Cymru yn ei gyflogi neu'n ymgysylltu ag ef, gan gynnwys gweithwyr rhan amser, gweithwyr dros dro a gweithwyr asiantaeth, y rhai sy'n ddeiliaid contractau anrhydeddus a'r rhai sy'n gweithio i Gydweithrediaeth Iechyd GIG Cymru.

- Pob defnyddiwr gwasanaeth, ymwelydd a gwirfoddolwr.

Pan fydd Iechyd Cyhoeddus Cymru yn darparu gwasanaethau gyda sefydliadau eraill, gan gynnwys byrddau iechyd, bydd polisïau a gweithdrefnau'r sefydliad sy'n cyflogi, gan gynnwys deiliaid contract anrhydeddus, yn berthnasol. Pan fo hynny'n briodol, cytunir ar drefniadau gweithio ar y cyd ac ar gyfer eiddo a rennir bydd Cytundeb Lefel Gwasanaeth/Memorandwm Cyd-ddealltwriaeth ar waith.

Asesiad o'r Effaith ar Gydraddoldeb ac Iechyd	Cwblhawyd Asesiad o'r effaith ar Gydraddoldeb, y Gymraeg ac Iechyd ac mae ar gael ar y tudalennau gwe polisi.
Cymeradwywyd gan	Y Pwyllgor Ansawdd, Diogelwch a Gwellu
Dyddiad Cymeradwyo	14 Rhagfyr 2022
Dyddiad Adolygu	14 Rhagfyr 2025
Dyddiad Cyhoeddi:	20 Rhagfyr 2022
Y grŵp sydd â'r awdurdod i gymeradwyo polisïau a gweithdrefnau ategol	Polisi: Gweithdrefnau'r Pwyllgor Ansawdd, Diogelwch a Gwellu: Y Grŵp Iechyd a Diogelwch
Cyfarwyddwr Gweithredol/ Cyfarwyddwr Cyfrifol	Huw George, Dirprwy Brif Weithredwr / Cyfarwyddwr Gweithredol Cyllid a Gweithrediadau
Awduron	Chris Orr, Pennaeth Ystadau ac Iechyd a Diogelwch

Ymwadiad

Os bydd dyddiad adolygu'r ddogfen hon wedi mynd heibio, dylech sicrhau eich bod yn defnyddio'r fersiwn ddiweddaraf drwy gysylltu ag awdur y ddogfen neu'r adran [Llywodraethu Corfforaethol](#).

Crynodeb o adolygiadau/diwygiadau

Rhif y Fersiwn	Dyddiad Adolygu	Dyddiad Cymeradwyo	Dyddiad cyhoeddi	Crynodeb o'r Diwygiadau
F3	30 Medi 2017	19 Rhagfyr 2017	5 Chwefror 2018	Roedd y polisi tân a'r weithdrefn tân yn un ddogfen a oedd yn amlinellu nifer o rolau a grwpiau nad ydynt bellach yn weithredol neu sydd

				wedi newid yn sylweddol. Felly, cafodd y ddogfen ei hailddrafftio'n llwyr, gan ddarparu ymrwymiad sefydliadol i ddiogelwch tân a dogfen ar wahân ar gyfer y weithdrefn.
F4	30 Medi 2022	14 Rhagfyr 2022	20 Rhagfyr 2022	Mân ddiwygiadau i gyddestun ac iaith yn yr adran ymrwymadau'r polisi.